



Renata Monn - Loretz

* 20-05-1959 †20-06-2003

In proverbi di: Ils vegls ston murir
ils giuvens san murir.

Aschia s'ei stau cun Renata Monn-Loretz. En la veglia-detgna da mo 44 onns ha gl'aunghel dalla mort raffau ella ord nies miez tut nunspegdamein entras ina disdida dil cor. L'annunzia dil zenn grond da s. Vigeli da sia mort ha fatg nus tuts e principalmein sia cara famiglia fetg trests e pensivs. Mo encunter il destin e la veglia dil Segner savein nus far nuot e sere-

metter e tertgar il Tutpussent meina segir tut a buna fin.

La defuncta Renata ei naschida ils 20 da matg 1959 a Sedrun/Bugnei, sco secund affon dils geniturs Augustin e Felicia Loretz nata Deflorin. Ensemen cun tschun soras e dus frars ha Renata passentau ina biala ed emperneivla affonza a Bugnei el ravugl ed ambient d'ina buna famiglia cristiana. Suenter ver frequentau las scolas en vischnaunca ei la premurada giuvna ida a Cazis per in onn scola da tener casa. Returnada a Sedrun ha quella luvrera da camifo luvrau en differentas fatschentas per cum pleina cuntentientscha da patruns e clientella. Duront quei temps empren Renata d'enconuscher il giuven Christian Monn da Rueras. 1981 dat ei nozzas. Ussa secasa la giuvna lètg ella casa Pulanera, gest en vesta dalla Pulanera e Val Milar. Als conjugals schenghegia Dieus treis affons, feglia Ornella e fegls David e Raffael. Bia sulegl e legria en casa, mo era lavur e quita. Cun carezia e buontad han Renata e siu consort tgirau lur famiglia. Mo il meglier dil meglier per lur affons.

Caracterisar la Renata ei nuota schi lev. Ton ei cert. Sia prusadad, luvrusadad, honze-liadad ed adina da buna luna ein factums ch'ins steva adina bugen entuorn ella. Ses meinis defendeva ella cun perschasiun. Sia devisa era era mirar gl'emprem pils auters e per lu per sesezza. Bein enqual mal ha ella supportau els onns passai cun pazienza e senza selamentar. Siu grond hobby era ir cun skis cun ses affons. A nundumbrevilas cuorsas ha Renata accumpignau ses buns skiturs ella Val Tujetsch sco era ordeiffer. Pliors onns ha ella era cantau el Chor mischedau da Rueras. Schiglioc eis ella adina segidada cun plascher sch'ins ha dumandau ella per in survetsch.

Cara Renata

Ina gronda largia laias Ti ussa anavos. Mo Tes arcuns ein tgemblai.

Il Tutpussent vegn a remunerar Tei dublamein. Tes cars, consort ed affons e nus tuts schein a Ti Dieus paghi sur fossa. Fetg biars han accumpignau Tei al davos ruaus. Cun bials tschupials e fluras has Ti retschiert engraziament sco davos salid. Tiu consort, famiglia, parents ed enconuschents ein trests mo speran da seveser in di cun Tei ella perpetnadad. En buna memoria lein nus mantener Tei cara Renata.

Ruaussa en pasch.

Vincens Pally